

**II. ATALA****BIZKAIKO LURRALDE HISTORIKOKO TOKI ADMINISTRAZIOA****Leioako Udala****«Soinu Atadia» Erakunde Autonomoaren Estatutuen Behin Betiko Onespena (Osoko Bilkuraren onespena 5 zenbakia - 2018/06/28).**

2018ko ekainaren 28ko Osoko Bilkuran hasieran onetsi zen «Soinu Atadia» Erakunde Autonomoaren Estatutuak. Horri buruzko erabakia jendaurrean azaldu da, eta inork ez du erreklamaziorik aurkeztu horretarako ezarritako epean. Beraz, behin-betiko erabakia izango da, apirilaren 21eko 11/1999 Legeak aldatu duen Toki Araubidearen Oinarriak arautzen dituen Legearen 49.c) artikuluan xedatutakoaren arabera. Araudi hau, beraz, Toki Araubidearen Oinarriak arautzen dituen Legearen 65.2 artikuluan aurreikusitako epea amaitutakoan sartuko da indarrean, testu osoa Bizkaiko Aldizkari Ofizialean argitaratzen denetik aurrera zenbatzen hasita. Administrazioarekiko auzi errekurtsoa jarri ahal izango da araudia behin betiko onesteko erabakiaren kontra, Euskal Autonomia Erkidegoko Auzitegi Nagusiaren administrazioarekiko auzietako salan; bi hilabeteko epea egongo da horretarako, gai hau argitaratu eta biharamunetik aurrera zenbatzen hasita.

Leioan, 2018ko abuztuaren 27an.—Behin behineko Alkatea, Iban Rodríguez Etxebarria

**«SOINU ATADIA» ERAKUNDE AUTONOMOAREN ESTATUTUAK****I. TITULUA****IZENA, EGOITZA, IZAERA JURIDIKOA ETA HELBURUAK****1. artikulua**

Leioako Udalak, aplikatu beharreko araudiarekin bat, musikari eskaintako erakunde autonomo bat sortzea erabaki du, «Soinu Atadia», udalerrri honen eremuan.

**2. artikulua**

Haren egoitza soziala Leioan ezarri da; zehazkiago, «Leioako Udal Musika Eskola» udal-eraikinean (Iparragirre etorbidea, 76).

**3. artikulua**

1. Erakunde Autonomoak berezko izaera juridikoa eta jarduteko gaitasun juridiko osoa dauzka, eta honako estatutu hauek zein dagokion arloan indarrean dagoen lege-diak eraenduko dute.

2. Bere helburuak betetzeko, Erakunde Autonomoak kostu bidez edo dohainik eskuratu, eduki, aldarrikatu, trukatu, kargatu, besterendu eta alokatu ahalko ditu era guztietako ondasunak, Udalak atxikitzen dizkionak izan ezik, horiek jatorrizko kalifikazio juridikoari eutsiko baitiote eta, horrenbestez, ezingo baita horien gaineko xedapen-egintzarik egin. Halaber, kontratuak egin, emakidak eskuratu, obrak eta zerbitzuak ezarri eta ustiatu, betebeharrak berenganatu, edonolako kreditu- eta finantza-eragiketak egin, errekurtsioak jarri eta legeek aurreikusitako egintzak gauzatu ahalko ditu.

**4. artikulua**

Erakunde Autonomoak xede du musika irakastea eta musika-kultura eta beraren asotariko adierazpenak sustatu eta zabaltzeari lotutako jarduerak antolatzea. Hauexek dira, zehazkiago, erakunde autonomoaren helburuak:

- a) Leioako udal kontserbatorio profesionala eta musika-eskola mantendu eta kudeatzea.
- b) Nahi duten ikasleei musika irakastea, Erakunde Autonomoak ezarritako baldintzetan.
- c) Beste musika erakunde eta elkarte batzuekin lankidetzan aritzea, musikazaletasuna garatzeko.
- d) Erakunde Autonomoaren eskumenen arloan emanaldi interesgarriak eskaini ditzaketen musika-taldeak eta abesbatzak eratzea edo horiei laguntza ematea.
- e) Erakunde Autonomoaren baliabideak ahalbidetzen duten neurrian musika-balo-reak eta -zaletasunak bultzatzea, bekak eta bestelako aukerak sortuta.
- f) Musika-adierazpenak zabaltzen laguntzen duten kontzertuak, hitzaldiak, entzunaldiak eta abar antolatzea.
- g) Musika-kultura ezagutzera ematen eta zabaltzen laguntzen duten bestelako jarduerak gauzatzeko, zentzu zabalenean.

**II. TITULUA****GOBERNU, ADMINISTRAZIO ETA ZUZENDARITZA-ORGANOAK****5. artikulua**

Artezkaritzako Kontseiluari dagozkio Erakunde Autonomoaren gobernu eta administrazioa; horrez gain, zuzendari bat izendatuko da, zuzendaritzako berezko zereginak bere gain har ditzan.



I. KAPITULUA  
**ARTEZKARITZA KONTSEILUA**

**6. artikulua**

Honako hauek osatuko dute Artezkaritza Kontseilua:

1. Berezko presidentea:
  - Leioako Udaleko alkatea.
2. Benetako presidentea:
  - Berezko presidenteak hartara izendatzen duena.
3. Batzordekideak:
  - Udalbatza osatzen duten talde politiketako kide bana, haren taldeak izendatuta. Batzordekide bakoitzak bere taldeak Udalean duen ordezkari kopuruaren arabera boto haztatua izango du.
  - Udalak izendatutako bi pertsona, egitekoa betetzeko beharrezko musika-kultura-rekin. Alkatetzak izendatuko ditu. Bi batzordekide horiek boto bana izango dute.
  - Irakasleen klaustroaren ordezkari jarduteko irakasle bat. Klaustroak hautatuko du eta hitza eta botoa izango ditu.
  - Eskola-kontseiluko aita edo ama bat. Kontseiluak hautatuko du eta berezko hitza eta botoa izango ditu.
4. Zuzendaria:
  - Artezkaritza Kontseiluak hartara izendatzen duen kontserbatorio profesionaleko edo udal musika-eskolako irakaslea; hitza eta botoa izango ditu.
5. Idazkaria:
  - Udalbatzako idazkaria izango da Kontseiluko idazkari, edo, bestela, eskuordetzen duen funtzionario egokia. Hitza izango du, baina botorik ez.
6. Kontu-hartzailea:
  - Udalbatzako kontu-hartzailea izango da Kontseiluko kontu-hartzaile, edo, bestela, eskuordetzen duen funtzionario egokia. Hitza izango du, baina botorik ez.

Artezkaritza Kontseiluko kideen agintaldiak beroriek izendatu dituen Udalbatzaren iraupen berdina izango du. Udalaren ordezkariak Artezkaritza Kontseiluko batzordekide izateari utziko diote zinegotziko kargua galtzean. Gainerako batzordekideek, berriz, kargua utziko dute eman zaien ordezkari kargu kentzen dietenean edo haien izendapena buztatu zuen egoera galtzen dutenean.

**7. artikulua**

Benetako presidentea berezko presidentea eskuordetzen dizkion ahalmenak izango ditu, eta haren ordezkari izango da, automatikoki, ez dagoenean, gaixotzen denean edo antzeko beste egoera bat suertatzen denean. Berezko presidentea Artezkaritza Kontseiluko bileretara bertaratzeko bada, benetako presidentea kontseiluko beste batzordekide bat bilakatuko da.

**8. artikulua**

Presidente eta batzordekide karguak ohorezkoak eta doakoak dira; hala ere, Era-kunde Autonomoaren eskutik dietak eta joan-etorrietako gastuak jasotzeko eskubidea izango dute, bai eta Artezkaritza Kontseiluak legez adostu dezakeen beste edozein diru kopuru ere.

**9. artikulua**

Uko egiteen, gaixotasunen, heriotzen, absentzien eta abarren ondorioz hutsik geratzen diren karguak berehala jakinaraziko zaizkio Udalbatzari ondorio egokietarako.

**10. artikulua**

Artezkari-tza Kontseiluak honako egiteko hauek izango ditu:

- a) Erakunde Autonomoaren jarduketa-planak eta -programak onestea.
- b) Presidentearen eskumenetatik at geratzen diren kontratuak adjudikatzea, eta horietarako gastuak aldez aurretik baimentzea.
- c) Erakunde Autonomoaren izenean eztabaidatzea, erabakiak hartzea eta Zuzendaritzari helburuak adieraztea.
- d) Erakunde Autonomoaren goi-ikuskaritza, jagoletza eta kontrola egitea.
- e) Erakunde Autonomoaren ondasunak onartu, jaso eta kudeatzea, baita dohaintzen, diru-laguntzen eta legatuen bidez eskuratutakoak ere.
- f) Erakunde Autonomoaren inbentarioaren eta Udalaren osoko bilkuretan onetsitako urteko zuzenketen jakitun egotea.
- g) Lanpostuen zerrenda eta ordainsariak proposatzea; edonola ere, Udalaren osoko bilkuran aurkeztuko dira.
- h) Langileen plantilla eta ordainsariak osoko bilkuran proposatzea.
- i) Berezko presidentek hurrengo ekitaldirako aurkeztutako aurrekontu-proposamena Udalari bidaltzea, baita tasak eta gainerako prezioak ere, horrelakorik egonez gero.
- j) Urtero, aurreko ekitaldiko likidazioaren kontuaren jakitun geratzea eta Fundazioaren memoria ezagutzea, ikasturteko jarduerak biltzen ditu eta.
- k) Udalari estatutuak osorik edo zati batean aldatzea proposatzea.
- l) Barne-araudiak eta beroriek aldatzea eta indarrean sartzea proposatzea.
- m) Ahalmenak eta eskumenak presidenteari, batzordekideren bati edo zuzendariari eskuordetzea, zerbitzuaren araubideari eta administrazioari lotutako zeregin berezien kasuan.
- n) Estatutuak interpretatzean sortu daitezkeen zalantzak argitzea eta akatsak zuzentzea; halaber, horren guztiaren berri emango dio Udalari, komenigarri irizten diona erabaki dezan.
- o) Udal kontserbatorio profesionalaren nahiz musika eskolaren alderdi guztiak garatu eta sustatzeko neurriak hartzea.
- p) Zuzendaria izendatzeko eta kargutik kentzeko ahalmena Artezkari-tza Kontseiluari dagokio.

**11. artikulua**

1. Artezkari-tza Kontseiluak ohiko bilerak hiru hilabeterik behin egingo ditu, salbu eta jorrazteko gairik ez badago. Azken kasu horretan, kontseilariak ohiko bilerarik ez dela egingo jakinarazteko xedatuko du presidenteak.

2. Bestalde, presidenteak beharrezkotzat jotzen duenean, ezohiko bilerak egingo dira, edo hitza eta botoa duten kideen erdia baino gehiagok eskatzen duenean.

3. Bilerak egoitza sozialean edo presidenteak adierazitako lekuan egingo dira.

**12. artikulua**

Ohiko nahiz ezohiko bileretarako deialdiak presidenteak agindutakoan banatuko dira: gutxienez, bi egun balioduneko aurrerapenarekin jakinaraziko dira, gai-zerrendarekin batera. Azken horretan zehaztuko dira bileran jorrazteko diren gaiak.

**13. artikulua**

1. Bilerak lehenengo deialdian egin ahal izateko, gutxienez boto-eskubideen erdia ordezkatzeko Kontseiluko kideak bertaratu beharko dira; aldiz, bigarren deialdian, zeina iragarritako deialditik ordubetera egingo den, beharrezkoa izango da gutxienez boto-eskubideen herena ordezkatzeko Kontseiluko kideak agertzea.



2. Erabakiak gehiengoz hartuko dira eta, berdinketarik gertatuz gero, berezko presidentek erabakiko du bere kalitateko botoaren bitartez.

3 Gai-zerrendan agertzen ez diren gaiak soilik jorratu ahalko dira alde zuzenetik premiazkotzat jo izan badira. Izaera hori erabakitzeke, legezko botoen gehiengo osoaren aldeko botoa beharko da.

4. Nolanahi ere, bilerak baliozko moduan egin ahal izateko, presidentea eta idazkaria, edo horiek legez ordezkatzen dituzten pertsonak, bertaratu beharko dira.

#### **14. artikulua**

1. Artezkaritza Kontseiluak ohiko bozketak egingo ditu, izendunak edo ezkutukoak. Kasuan kasu erabakiko da zein bozketak era den bidezkoa, Toki Araubideari buruzko legediak ezarritakoari erreparatuta.

2. Artezkaritza Kontseiluko kideak gai batzuetan parte hartzetik abstenitu beharko dira, edo ezetsiak izan ahalko dira, horretarako arrazoirik badago aplikatu beharreko araudiaren arabera: besteak beste, administrazio-prozedura erkideari, kontratazioari, arlo pertsonalari eta toki-erakundeei buruzko legediak.

3. Horrelako kasuetan, interesduna aretotik irten beharko da gaia eztabaidatu eta bozkatu bitartean.

#### **15. artikulua**

1. Bilera bakoitzaren akta idatziko da, eta bertan jasoko dira Artezkaritza Kontseiluaren erabakiak, honako datu hauekin batera: bilera egin den lekua, eguna, hasiera-ordua eta amaierakoa; presidentearen eta bertaratutako batzordekideen izen-abizenak —eta, hala badagokio, Kontseiluko kide ez izanagatik bileran izan diren beste pertsona batzuenak ere—; eztabaidatu egin diren gaiak; eta, hala badagokio, agertutako iritzia, labur.

2. Aktak berezko presidentek eta idazkariak izenpetutakoan baimenduko dira, eta behar bezala artxibatuko dira.

3. Aktak baimendutakoan, zentroko klaustroari aurkeztuko zaizkio.

## **II. KAPITULUA PRESIDENTEA**

#### **16. artikulua**

Leioako Udaleko alkatea da Artezkaritza Kontseiluko berezko presidentea, eta dagokion pertsona eskuordetuko du beharrezkoa denean.

Honako hauek dira berezko presidentearen egitekoak:

- a) Kontseiluaren bilerak deitu, zuzendu, bertan behera utzi eta amaitutzat jotzea, bertan izan daitezkeen eztabaidak bideratzea eta, berdinketetan, kalitateko botoaren bitartez ebaztea.
- b) Erakunde Autonomoa ordezkatzea edozein epaitegi, auzitegi, autoritate, udalbatza edo erakunderen aurrean; hartara, ordezkaritza hori gauzatzeko manuak eta ahalmenak emango ditu eta, dagokien kasuetan, zuzenean gauzatu du, baita beren garrantzia dela-eta beharrezkoa duten egintza guztietan ere.
- c) Zerbitzuaren gozko ikuskerak eta zuzendaritza.
- d) Erakunde Autonomoko langile guztien buru gozko izatea.
- e) Komenigarriak iruditzen zaizkion arazoak kontseiluan eztabaidatzea.
- f) Artezkaritza Kontseiluak hartutako erabakiak betetzen direla bermatzea.
- g) Espedienteak eta dagokien gastua egiteko baimena onestea, aurrekontuko kreditu erabilgarrien arabera.
- h) Betebeharrak onartzea eta ordainketa-aginduak ematea, Erakunde Autonomoaren aurrekontua betearazteko arauak jarraituz.



- i) Erakunde Autonomoaren betebeharrei buruzko egintzak eta agiriak izenpetzea.
- j) Urtebete baino iraupen luzeagoa ez duten eta urteko aurrekontuan kontsignatutako kredituak baino gehiago behar ez dituzten kontratuak adjudikatzea, edozein motatakoak.
- k) Premiazko kasuetan, Artezkaritza Kontseiluari estatutu hauen 10. artikuluko b) eta e) ataletan esleitu zaizkion eskumenak gauzatzea, Artezkaritza Kontseiluari horren berri emanda, egiten duen lehenengo bileran berrets dezan.
- l) Premiazko neurriak hartzea egoera larrietan, Kontseiluaren bilera bat deitu ezin bada.
- m) Erakunde Autonomoaren estatutuak betearaztea, baita zentroaren Antolaketa eta Funtzionamenduari buruzko Araudia ere, hala badagokio.
- n) Artezkaritza Kontseiluak eskuordetzen dizkion bestelako eginkizunak.

**17. artikulua**

Benetako presidenteak berezko presidenteak eskuordetzen dizkion ahalmenak izango ditu eta, edonola ere, haren eskumenak gauzatuko ditu berezko presidentea ez dagoenean.

## III. KAPITULUA

**IDAZKARIA****18. artikulua**

Idazkariak ondoko eginkizunak izango ditu:

- a) Artezkaritza Kontseiluaren bileretara joatea, hitzarekin baina botorik gabe.
- b) Gaiak prestatzea, presidenteak bileren gai-zerrendak egin ditzan.
- c) Bileren aktak idaztea eta, onetsi ostean, egoki artxibatzea.
- d) Erakunde Autonomoari aholkularitza juridikoa egitea derrigorrez dagozkion kasuetan, Udalaren Zerbitzu Juridikoekin elkarlanean.

## IV. KAPITULUA

**KONTU-HARTZAILEA****19. artikulua**

Kontu-hartzaileak ondoko eginkizunak izango ditu:

- a) Zuzendariari laguntzea aurrekontuaren aurreproiektu orokorra prestatzen.
- b) Kudeaketa ekonomiko-finantzarioa eta aurrekontuaren kudeaketa kontrolatu eta fiskalizatzea, aurrekontua betearazteko arauak horretarako ezartzen duen sistemaren arabera.
- c) Kontabilitatea, diruzaintza eta diru-bilketa udal diruzainarekin batera ikuskatzea.
- d) Kontseiluaren bileretara bertaratzea, hitzarekin baina botorik gabe, hura aholkatzeko presidenteak egoki deritzon.

## V. KAPITULUA

**ZUZENDARIA****20. artikulua**

1. Esleitzen zaizkio egiteko akademikoez gain, zuzendariak honako zeregin hauek izango ditu:

- a) Erakunde Autonomoaren administrazio- eta kudeaketa-lanak egitea, Artezkaritza Kontseiluaren eta berezko presidentearen aginduei jarraikiz.



- b) Erakunde Autonomoaren jarduera zuzendu eta ikuskatzea, Kontseiluaren eta berezko presidentearen zuzendaritza gorenaren pean.
  - c) Langile guztiak zuzenean eta berehala zuzentzea, presidentetzaren mende.
  - d) Zerbitzu orokor eta berezien araudiak prestatu eta proposatzea, eta onetsitakoa bete nahiz betearaztea, baita sozietatearen helburuei buruzko indarreko xedapen orokorrak eta toki mailakoak ere.
  - e) Zerbitzuetan eta instalazioetan komeni eta behar direla iruditzen zaizkion handiagotze, erreforma era berrikuntzak aztertu eta proposatzea, eta egokitzat jotzen dituen kontratuak proposatzea.
  - f) Aurrekontuan jasotako gastuen eta diru-sarreraren eragiketa guztiak kontrolatzea, hau da, Erakunde Autonomoaren kontabilitatea egunean izatea, eta bankuko ordainketa-agiriak sinatzea, presidentearen baimenarekin eta Kontu-hartzaitzaren ikuskapenpean.
  - g) Berariazko diru-izendapena daukaten ordainketa guztiak baimentzea eta hirugarrenek kontratatutako eta emandako zerbitzuengatik fakturak egitea.
  - h) Aurrekontuaren aurreproiektu orokorra egitea, kontu-hartzailearen laguntzaz eta berezko presidentearen gidalerroei jarraikiz.
  - i) Artezkaritza Kontseiluaren bileretara joatea.
  - j) Kontseiluak eta berezko presidentek aztertu, ezagutu, bideratu eta onetsi beharreko gai eta agiriak prestatu, bildu eta antolatzea.
  - k) Kontseiluak eta berezko presidentek emandako ebazpenak eta hartutako erabakiak prestatu, izapidetu eta betetzen direla zaintzea.
  - l) Ekitaldi bakoitzaren amaieran, inbentarioaren aldaketa eta Erakunde Autonomoaren jarduerari buruzko memoria idaztea.
  - m) Artezkaritza Kontseiluak eta berezko presidentek berariaz esleitzen dizkieten gainerako eginkizunak, haren eskumenen barruan.
2. Kontseiluak aurreko eskumenak handitu edo mugatu ahal izango ditu, egokia iruditzen bazaio.

### III. TITULUA

#### ERAKUNDEAREN ONDAREA ETA OGASUNA

##### 21. artikulua

- 1. Honako hauek eratuko dute Erakunde Autonomoaren ondarea:
  - a) Estatuetako helburuak aurrera eramateko eta betetzeko beharrezko ondasunak.
  - b) Erakundearen jarduerarako berezko altzariak eta tresnak.
- 2. Ondarea Erakunde Autonomoaren xedeetarako bideratuko da soil-soilik eta Leioako Udalaren jabetzakoa izango da, jabari osoan, dagokion kalifikazio juridikoarekin.

##### 22. artikulua

Erakunde Autonomoak honako baliabide ekonomiko hauek izango ditu:

- a) Ondarearen produktuak eta errentak.
- b) Erakunde publikoen diru-laguntzak.
- c) Leioako Udalak, bere aurrekontuen kontura, Erakunde Autonomoaren xedeei begira egiten dituen ekarpenak.
- d) Pertsona fisiko eta juridikoen dohaintza eta legatuak.
- e) Zerbitzua emateagatik kuoten eta tasen zenbatekoak.
- f) Jarduera artistikoetatik datozen diru-sarrerak.
- g) Erakundearen eta partikularren eskutik jasotako maileguak, kredituak eta jesape-nak. Leioako Udalak alde zuzenetik baimendu beharko ditu, dela urteko aurrekontua onesteko zeharkako bidetik, dela berariazko baimen puntualen bitartez.



h) Eskubidez dagozkion bestelako baliabide ekonomikoak.

**23. artikulua**

Erakundearen Ogasunak bere gain hartzen dituen betebeharrak eta zorren erantzule izango da, baina erantzukizun horrek ezingo du ondarean eraginik izan.

**24. artikulua**

1. Erakunde Autonomoak aurrekontu berezi bat prestatuko du ekitaldi ekonomiko bakoitzerako —Udalaren ekitaldiekin bat etorriko dira—, aurreikusten diren diru-sarrerak eta gastu arruntak adierazita.

2. Gastuen egoera-orrian honako hauek jasoko dira: zerbitzuaren ohiko mantenu-rako aurreikusitako gastuak; ondasunen eta gauzen erosketak eta berritzeak; erakundearen xedeak betetzeko beharrezko materialak eta elementuak; langileen ondasunak eta artatzeak; zerbitzua ezartzeko egindako maileguren interesak eta amortizazioak; eta, oro har, planetan eta programetan aurreikusi diren gastuak.

3. Sarreraren egoera-orrian, berriz, 22. artikuluan aipatutakoak jasoko dira.

4. Artezkari Kontseiluak onetsitakoan, aurrekontu bereziaren proiektua Udalaren osoko bilkuran aurkeztuko da behin betiko onets dadin; bestalde, Ogasuneko eta Kontu Bereziaren Informazio Batzordeak irizpena eman beharko du alde aurretik.

**25. artikulua**

1. Udaleko fondoaren kontu-hartzaileak begiztatuko du erakundearen kontabilitatea, Udalbatzaren kontabilitate orokorretik bereizita.

2. Kontabilitateko teknika toki-erakundeetara moldatuko da; hala ere, kudeaketa modu argiagotzeko eta eraginkorragotzeko egin eta kontrolatze aldera egokitzat jotzen diren modalitateak aplikatu ahalko dira.

**26. artikulua**

Erakunde Autonomoaren aurrekontuen eta urteko kontuen likidazioak toki-korporazioetarako ezarritako araudiaren arabera egingo dira.

**IV. TITULUA  
ARAUBIDE JURIDIKOA****27. artikulua**

Erakunde Autonomoaren erabakien aurka, aplikatu beharreko araudiak zehaztutako errekurtsioak aurkeztu ahalko dira.

**28. artikulua**

Udalak honako estatutu hauek aldatu ahalko ditu, horiek onesteko beharrezkoak diren legezko izapideak alde aurretik eginda.

**V. TITULUA  
TUTORETZA-ARAUBIDEA****29. artikulua**

Leioako Udalarari dagokion zerbitzua gidatzeko eta babesteko zeregin gorena egoki gauzatzeko, Erakunde Autonomoko gobernu- eta administrazio-organoen guztiek Udalbatzari jakinarazi beharko dizkiote kudeaketa hutsaz haragoko kontuak, ez baldin badaude soilik Erakunde Autonomoarenak diren eskumenen artean, estatutu hauen arabera.



**VI. TITULUA  
ERAKUNDEA DESEGITEA****30. artikulua**

1. «Soinu Atadia» Erakunde Autonomoa epe mugarik gabe eratu da, eta bakarrik Udalaren osoko bilkuraren erabakiz desegin ahalko da, Zerbitzuei buruzko Araudiaren 30. artikulua ematen dizkion ahalmenak guzuzatuta.

2. Erakunde Autonomoa desegitekotan, Leioako Udala izango da haren oinordeko unibertsala.

**XEDAPEN GEHIGARRIAK**

*Lehenengoa:* Estatutu hauetan aurreikusten ez diren alderdietarako, haiei aplikatu beharreko lege-mailako arauak aplikatuko dira; hain zuzen ere, honako lege hauek jasotakoak: Toki-araubidearen oinarriak arautzen dituen apirilaren 2ko 7/1985 Legea eta hura garatzen duen araudia; foru-araudia; Administrazio Publikoen Administrazio Prozedura Erkidearen urriaren 1eko 39/2015 Legea; Sektore Publikoaren Araubide Juridikoaren urriaren 1eko 40/2015 Legea; Sektore Publikoko Kontratuei buruzko azaroaren 8ko 9/2017 Legea; Euskadiko Toki Erakundeei buruzko 2/2016 Legea; eta horiek guztiak ordeztzen dituzten araudiak.

*Bigarrena:* Erakunde Autonomoko langileak lan-araubideari hertsiki lotuta egongo dira; tokiko erakunde autonomo izaera duen zerbitzu honi atxikita egote hutsak ez ditu Leioako Udaleko funtzionario bihurtuko.

*Hirugarrena:* Batzordekide izango zinegotziak Udalean ordezkaritza duten alderdi politikoek izendatuko dituzte. Alderdiok Udalaren osoko bilkuran jakinaraziko dute zein hautagai proposatzen duten, eta bilera horretan izendatuko dira.

*Laugarrena:* Udal-zinegotziak, nahi izanez gero, Artezkaritza Kontseiluaren bileretara ager daitezke, hitzarekin baina botorik gabe. Horrek ez du esan nahi, ordea, bileretarako dei egin behar zaienik; izan ere, haien bertaratzea ez du eraginik izango quorumaren zenbaketan.

**XEDAPEN IRAGANKORRA**

Zentroaren jarduera-funtzionamendua esparru akademikoan aldaketarik ez eragiteko, estatutu hauetan zuzendaria izendatzeko aurreikusi den sistema 2019/2020 ikasturtean indarrean sartuko da.

**AZKEN XEDAPENA**

Honako estatutu hauek indarrean sartzean, aurrekoak indargabetuko dira.